

Kerajaan kuat menjamin politik - Mahathir

Bahan asal dari Arkib

Negara Malaysia

NEW DELHI, Sabtu — Sebuah kerajaan yang kuat dapat menjamin keadaan politik yang stabil dan seterusnya akan mampu memaju serta memakmurkan negara, kata Datuk Seri Dr. Mahathir Mohamad di sini malam tadi.

Berbincang dengan tiga orang Menteri kanan India dalam siri lawatan rasmi empat hari ke sini, Datuk Seri Dr. Mahathir berkata, kestabilan politik juga akan dapat menanamkan kepercayaan pelabur-pelabur luar untuk terus turut serta dalam pembangunan ekonomi negara itu.

Turut hadir dalam majlis anjuran makan malam yang diberikan oleh Menteri Perdagangan India, Prof. P.K. Mukherjee, ialah Menteri Kewangan India, R. Venkatarqaman dan Menteri Luar negara itu, P.V. Narashima Rao.

Timbalan Perdana Menteri, telah mengucapkan tahniah kepada pemimpin-pemimpin India dari parti Kongress (India) yang berjaya memenangi pilihan raya yang baru lalu.

Katanya, kemenangan besar parti Kongress di bawah pimpinan Puan Indiri Gandhi membuktikan corak pemerintahan parti itu sebelum dikalahkan oleh Parti Janata dalam tahun 1976 masih diperlukan oleh rakyat India.

Katanya, setelah mendapat mandat dari rakyat parti itu mestilah terus bertindak memimpin tanpa curiga dan teragak-agak lagi.